



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

6 MEI 2022 (JUMAAT)



KEMENTERIAN PERDAGANGAN DALAM NEGERI
DAN HAL EHMAL PENGGUNA

KERATAN AKHBAR DAN MEDIA ONLINE (KPDNHEP)

6 MEI 2022 (JUMAAT)

KPDNHEP kesan 10 kes naik harga barangan

PUTRAJAYA – Sebanyak 10 kes melanggar Akta Kawalan Harga dan Antipencatutan 2011 (AKHAP 2011) dikesan dalam pemeriksaan terhadap 6,702 premis perniagaan di peringkat borong dan runcit sejak pelaksanaan Skim Harga Maksimum Musim Perayaan Hari Raya Puasa 2022 (SHMMP-HRP 2022) dari 26 April hingga kelmarin.

Pengarah Bahagian Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, kesalahan-kesalahan yang dikesan adalah melibatkan kegagalan mematuhi keperluan tanda harga dan menjual barang kawalan melebihi harga maksimum.

“Sehubungan itu, penguat-

kuasaan ke atas SHMMP-HRP 2022 ini akan diteruskan di seluruh negara sehingga tamat tempoh pelaksanaan skim pada 10 Mei ini.

“Di samping itu, penentuan harga maksimum ayam dan telur akan terus berkuat kuasa sehingga 5 Jun,” katanya dalam kenyataan di sini semalam.

Beliau berkata, tindakan tegas akan diambil terhadap mana-mana pihak yang gagal mematuhi peraturan-peraturan di bawah skim tersebut.

Mengulas lanjut, Azman berkata, amat tepat keputusan kerajaan melalui KPDNHEP memanjangkan penguatkuasaan SHMMP-HRP 2022 dari 26 April sehingga 10 Mei iaitu dari tarikh asal 6 Mei.



PENENTUAN harga maksimum ayam dan telur ayam akan terus berkuat kuasa sehingga 5 Jun depan. – GAMBAR HIASAN

Sepuluh kes dikesan tak patuh SHMMP

Putrajaya: Sebanyak 6,702 premis perniagaan di peringkat borong dan runcit seluruh negara diperiksa Kementerian Perdagangan Dalam Negeri dan Hal Ehwal Pengguna (KPDNHEP) bagi memastikan Skim Harga Maksimum Musim Perayaan (SHMMP) Hari Raya Puasa (HRP) 2022 dipatuhi.

Pengarah Bahagian Penguatkuasa KPDNHEP, Azman Adam berkata, daripada jumlah itu, sebanyak 10 kes dikesan melanggar perundangan Akta Kawalan Harga dan Antipencatutan 2011 (AKHAP 2011) sejak SHMMP bermula 26 April lalu.

Menurutnya, kerajaan juga memutuskan untuk melanjutkan tempoh SHMMP 2022 selama empat hari lagi walaupun ia sepatutnya berakhir 6 Mei ini.

Katanya, inisiatif itu bertujuan membolehkan seluruh rakyat berbilang kaum meneruskan tradisi kunjung mengunjung dan rumah terbuka dalam suasana harmoni dan riang-ria serta selamat.

"Kesalahan yang dikesan adalah membabitkan kegagalan mematuhi keperluan tanda harga dan menjual barang kawalan melebihi harga maksimum," katanya dalam satu kenyataan, semalam.

Azman berkata, penguatkuasaan ke atas pelaksanaan SHMMP-HRP 2022 ini akan diteruskan di seluruh negara sehingga tamat tempoh pelaksanaan skim pada 10 Mei ini.

Menurutnya, selain itu, penentuan harga maksimum ayam dan telur akan terus berkuatkuasa sehingga 5 Jun 2022.

Katanya, tindakan tegas akan diambil terhadap mana-mana pihak yang gagal mematuhi peraturan-peraturan di bawah skim ini.

"Orang ramai boleh menyalurkan maklumat dan aduan sekiranya mendapati ada peniaga yang menyalahi undang-undang melalui Aplikasi WhatsApp 019-279 4317/019-848 8000, portal aduan: e-aduan.kpdnhep.gov.my, pusat panggilan 1-800-886-800, e-mel e-aduan@kpdnhep.gov.my dan Ez ADU KPDNHEP.



SEJUMLAH 6,702 premis perniagaan di peringkat borong dan runcit di seluruh negara diperiksa.

SHMMP-HRP 2022: 10 kes langgar AKHAP 2011

PUTRAJAYA - Sebanyak 6,702 premis perniagaan di peringkat borong dan runcit telah diperiksa sejak pelaksanaan Skim Harga Maksimum Musim Perayaan Hari Raya Puasa 2022 (SHMMP-HRP 2022) dari 26 April hingga 4 Mei lepas dan mendapati 10 kes telah melanggar perundangan Akta Kawalan Harga dan Antipencatutan 2011 (AKHAP 2011).

Pengarah Penguat kuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, kesalahan yang dikesan adalah membabitkan kegagalan mematuhi keperluan tanda harga dan menjual barang kawalan melebihi harga maksimum.

"Penguatkuasaan ke atas pelaksanaan SHMMP-HRP 2022 ini akan diteruskan di seluruh negara sehingga tamat tempoh pelaksanaan skim pada 10 Mei 2022. Di samping itu, penentuan harga maksimum ayam dan telur akan terus berkuat kuasa sehingga 5 Jun 2022," katanya dalam kenyataan di sini pada Khamis.

Azman berkata, tindakan tegas akan diambil terhadap mana-mana pihak yang gagal mematuhi peraturan-peraturan di bawah skim tersebut.

Beliau berkata, keputusan ke-



Sebanyak 6,702 premis perniagaan di peringkat borong dan runcit telah diperiksa sejak pelaksanaan SHMMP-HRP 2022 dari 26 April hingga 4 Mei lepas.

rajaan melalui KPDNHEP memanjangkan penguatkuasaan SHMMP-HRP 2022 dari 26 April hingga 10 Mei depan daripada tarikh asal 6 Mei 2022 amat tepat kerana ia membolehkan seluruh Keluarga Malaysia berbilang kaum meneruskan tradisi kunjung-mengunjung dan rumah terbuka dalam suasana harmoni dan riang riah tetapi selamat.

Katanya, setelah dua tahun

Aidilfitri dirayakan dalam keadaan tertutup dan terhad kalangan keluarga terdekat sahaja kerana Perintah Kawalan Pergerakan (PKP), sambutan Aidilfitri tahun ini memberi makna yang besar dan berbeza kerana saudara-mara dan sahabat handai saling kunjung-mengunjung dalam pelbagai majlis rumah terbuka yang meriah tetapi tetap mematuhi prosedur operasi standard (SOP). - *Bernama*

Senarai Harga Barang Keperluan	
• Ayam	RM5.99
• Daging Lembu Tempatan	RM38.99
• Daging Lembu Import	RM28
• Telur Gred A	RM12.45
• Ikan Kembung	RM10
• Minyak Masak	RM6.70
• Gula Pasir	RM2.85
• Bawang Besar Holland	RM2.49
• Bawang Putih	RM4.99
• Cili Merah	RM12
• Kubis Bulat Tempatan	RM3.99
• Tepung Gandum	RM2.30

*Harga (RM/kg) Sumber: KPON/HEP